


HOSPITAL NOBO PA SAN NICOLAS LO HAYA DISEÑO UNICO

ORANJESTAD(AAN): E proyecto di Hospital nobo pa San Nicolas a worde proba den Staten y awor e tramitanan por worde haci a cuminsa determina unda exacto e Hospital ta worde ubica.

San Nicolas lo haya su Hospital y un Centro Psiquiatrico.

Pa basta tempo caba e pueblo di San Nicolas tabata reclama pa haya mas atencion pa loke ta trata cuidio medico.

Centro Medico pa San Ni-



comision di Ministro Beke su departamento tabata traha riba e plannan pa realisa e Hospital pa San Nicolas.

Gobierno tin suficiente tereno na San Nicolas caminda e Hospital por worde traha y esaki lo haci planiacion pa cu construcion bay mas rapido.

Manera cu lectornan por mira riba e impresion artistico di arquitectura, e hospital lo haya un bunita diseño y riba su mes unico, pasobra normalmente Hospitalnan ta worde traha manera edificionan grandi sin mucho style.

Edificionan lo haya hopi mata rond di nan cual lo bay duna e Hospital un ambiente di tranquilidad y esaki ta net loke patientnan mester di dje ora cu nan ta recuperando.

Durante e simannan venidero, Departamento di Ministro Beke lo bay duna mas informacion riba e proyecto di Hospital pa San Nicolas.

colas no tin e capacidad y tampoco suficiente personal pa duna asistencia medico manera cu na Hospital Pabao di Brug si ta e caso.

Gobierno y den e caso aki departamento di señora Ministro Beke, a traha duro den un tempo relativamente corto pa bin cu un Hospital na San Nicolas.

Pa lunanan largo un

RIBA E FOTONAN AKI POR HAYA IMPRESION DI NOS FUTURO HOSPITAL

Ki meta e Hulandesnan tin?

PARCE CU BELASTING KIER DECLARA GUERA CU TUR COMERCIANTE

ORANJESTAD (AAN): Ultimo dianan aki DIARIO ta hayando masha hopi reaccion riba e asunto di Belasting. No ta solamente e homber chikito ta worde inunda cu cobranza di Belasting, pero hasta e comerciante chikito. Varios di nan ta relata na DIARIO cu nan ta ser azota fuertemente cu Belasting astronumericamente halto.

"Nan ta bini cu cifranan y ami mes no sa di unda nan ta bini cu tal calculacion," un comerciante chikito a relata. Belasting ta menaza cu si e suma gigante no worde paga, ento nan lo confisca su negoshi chikito.

DIARIO a compronde cu algun di e comerciantenan a manda carta di protesta back cerca Belasting riba e cobranza inhusto aki, y como contesta nan ta haya: "Iedereen moet belasting betalen!"

Varios comerciante ta splica cu nan pronostico pa 1996 a scur y cu posiblemente hopi di nan lo cera nan tienda, busca un porvenir na un otro isla den Caribe.

Na diferente fiesta di Aña Nobo por a nota cu varios persona ta bisa rond cu si cos sigui asina, Gabinete Eman no wanta mucho tampoco!

Un di e comerciantenan chikito a termina bisando: "Ta parce comosifuera e expertonan nobo di Belasting kier abra tur e comerciantenan na Aruba".

PROMOCION PA VARIOS FUNCIONARIO POLICIAL



ORANJESTAD (AAN): Recientemente gobierno pa medio di Minister di justicia Watty Vos a entrega decreto di promocion na algun funcionario Policial.

Promocion a bay pa Verner Barkmeyer, Marvin Peterson y Rufo Solognier. Tur tres a worde promove como Sub oficial primera clase.

Na e ocasion aki tabata presente staf di alto mando. Inspectornan Van Duin, Gibbs, Mr. Paulina y como tambe comisario interino Alto Inspector Zaandam.